

ՎԱՐՉԱԿԱՆ ԲԱԺԱՆՄԱՆ ՍԿԶԲՈՒՆՔՆ ԱՔԵՄԵՆՅԱՆ
ՊԱՐՍԿԱՍՏԱՆՈՒՄ

Մասնագիտական գրականության մեջ սատրապությունների թվարկման հերթականությունը միշտ էլ տարակարծությունների տեղիք է տվել: Օրինակ, Ի. Դյակոնովի կարծիքով պատմահայր Հերոդոտոսի ցուցակում սատրապությունները թվարկված են նրանց՝ Մարական, այնուհետև Աքեմենյան տերությանը միացնելու հերթականությամբ¹: Նրա համոզմամբ I-XII սատրապությունները առաջ են տարվել Հոնիան առանձնացնելու համար, և այս խումբը պետք է հաջորդեր XIII-XVII (կամ XVIII) սատրապություններին: Համաձայն մեկ այլ տեսակետի՝ արևմտյան սատրապությունների՝ առաջինը հիշատակվելը պարզապես պայմանավորված է հին հունական ավանդույթներով (օրինակ, Տրոյական պատերազմում հակառակորդ բանակների նկարագրությունը) կամ հոնիացիների աշխարհագրական պատկերացումներով², այսինքն՝ խոսքը վերաբերում է Հերոդոտոսի հելլենակենտրոն մտածողությանը:

Մեր կարծիքով արևմտյան սատրապություններին և առաջին հերթին փոքրասիական սատրապություններին վարչական տեսանկյունից նախապատվություն տալը պայմանավորված էր ոչ միայն այդ երկրների համար խորթ պարսկական տիրապետության ամրապնդման մտահոգությամբ, այլև ռազմավարական տեսանկյունից ավելի հեռուն գնացող ծրագրերով, որոնք երկար սպասել չտվեցին: Հաստատելով իր նախորդների տիրույթների սահմանները և իր հերթին նույնպես ընդլայնելով կայսրության սահմանները՝ Դարեհ Ա-ն՝ որպես հեռատես պետական գործիչ, լավ էր հասկանում, որ պարսից տիրապետության ամրապնդման հեռանկարները Փոքր Ասիայում, Թրակիայում, Էգեյան ծովի կղզիներում անկայուն կլինեն այնքան ժամանակ, քանի դեռ Բալկանյան թերակղզու հույները կպահպանեն իրենց քաղաքական ազատությունը: Այս էր պատճառը, որ Դարեհը վարչական վերափոխումները նախ և առաջ սկսեց

¹ Дьяконов 1956: 342 և այլն: Զ.Քամերոնի կարծիքով խոսքը ոչ թե սատրապությունների ցուցակի մասին է, այլ թվարկվում են սոսկ հպատակ ժողովուրդները (տե՛ս Cameron 1973: 47-56):

² Armayor 1978: 1ff.

կանացրեց ապստամբ երկրների նկատմամբ, որպեսզի հնարավորինս կանխի հետագա խռովությունները պետության դեմ: Վերևում նշեցինք, թե ինչով էր պայմանավորված նախ կայսրության արևմտյան հատվածում (I-VI սատրապությունները) վարչական վերափոխումների իրականացումը: Մեր համոզմամբ կայսրության համեմատաբար խաղաղ շրջաններում սատրապությունների ձևավորումից հետո պարսից արքունիքի ուշադրությունը կենտրոնանում է արդեն այն երկրների վրա, որոնք չէին ընդունել Դարեհի իշխանությունը և ապստամբել էին նրա դեմ:

Այսպես, VI սատրապությունից հետո հիշատակվող սատրապություններն ուղղակի կամ անուղղակի եղել են կա՛մ որպես ապստամբ երկրներ, կա՛մ էլ պատերազմական գործողությունների թատերաբեմ: VII սատրապության մեջ, ի թիվս այլ ժողովուրդների, հիշատակվում են նաև սատտագյուտները, իսկ Բեհիսթունի արձանագրությունում Դարեհը Սաթագուշը հայտարարում է ապստամբ երկիր, չնայած արձանագրության հետագա շարադրանքում ավելի ստույգ տեղեկություններ չի տալիս¹: Բեհիսթունի արձանագրության պարսկերեն տեքստում (նաև էլամերեն տարբերակում) Դարեհը Արաքոսիայում Վահյազդատայի ուղարկած բանակին հաղթելուց հետո հայտնում է, որ այդ էր իր կատարածը Արաքոսիայում²: Սակայն արձանագրության աքքադերեն տարբերակում Դարեհը, խոսելով նույն իրադարձությունների մասին, հայտնում է Սատտագյուտիայի Գանդատամակի (պարսկերեն տեքստի Գանդուտավան է) վայրի մոտ տեղի ունեցած ճակատամարտի մասին և վերջում ավելացնում, որ այդ է իր կատարածը Սատտագյուտիայում և Արաքոսիայում³:

Բերված տեղեկություններից կարելի է եզրակացնել, որ Սատտագյուտիայում Դարեհի բանակը գործել է Արաքոսիային սահմանակից շրջանում, և հավանաբար, Վահյազդատայի ուղարկած բանակին հաղթելուց հետո Արաքոսիան մտնում է VII սատրապության մեջ: Փաստորեն, ինչպես տեսնում ենք, չնայած Վահյազդատան Արաքոսիայում և Սատտագյուտիայում պատերազմում էր Վիվանայի դեմ իր ուղարկած բանակի միջոցով, այդուհանդերձ VII սատրապությունը կարելի է համարել այն

¹ Արձանագրությունում Եգիպտոսը ևս հայտարարված է ապստամբ երկիր, բայց այլ տեղեկություններ նրա մասին չունենք: Մեզ համար առավել ընդունելի է Է. Բիքերմանի կարծիքը, համաձայն որի՝ Եգիպտոսում Դարեհի կառավարման սկզբին ոչ մի ապստամբություն էլ չի եղել, եթե չհաշվենք Լիբիայի ժամանակավոր անջատումը և անկախությունը (հարցի մանրամասն քննությունը տե՛ս Дандамаев 1985: 104-105):

² Kent 1953: 128.

³ Malbran-Labat 1994: 117-118.

դա սակերին, նույնացնում է դերբիկների հետ և տեղադրում Կասպից և Արալյան ծովերի միջև, իսկ XII

Երևան:

Հերոդոտոս 1986, Պատմություն ինը գրքից, թարգմանությունը Ս. Կրկյան-շարյանի, Երևան:

Геродот 1972, История в девяти книгах, перевод и примечания Г. Стратановского, Ленинград.

Дандамаев М. А. 1960, Восстание Вахяздаты (из истории народных движений в древней Персии) ВДИ 1, 11-20.

Дандамаев М. А. 1985, Политическая история Ахеменидской державы, Москва.

Дьяконов И. М. 1956, История Мидии, Москва-Ленинград.

Массон В. М. 1959, Древнеземледельческая культура Маргианы, Материалы и исследования по археологии СССР, вып. 73, Москва-Ленинград.

Пьянков И. В. 1965, «История Персии» Ктесия и среднеазиатские сатрапии Ахеменидов в конце V в. до н. э., ВДИ 2, 35-51.

Хорибян О. Г. 2015, Об этническом составе X сатрапии ахеменидской ерсии, «Метаморфозы истории», научный альманах, Псков, вып. 6, 128-132.

Armayer O. K. 1978, Herodotus' Catalogues of the Persian Empire in the Light of the Monuments and the Greek Literary Tradition, Transactions of the American Philological Association 108, 1-9.

Cameron G. G. 1973, The Persian satrapies and related matters, JNES 32/1-2, 47-56.

Claudii Ptolemaei Geographia, edidit C. F. A. Noebbe, t. II, Lipsiae, 1845.

Herzfeld E. 1968, The Persian Empire. Studies in Geography and Ethnography of the Ancient Near East, Wiesbaden.

Hewsen R. 1983, The Boundaries of Achaemenid «Armina», RĒA XVII, Paris, 123-143.

Herodotus 1957, with an English translation by A. D. Godley, Vol. II, Cambridge-Massachusetts- London (Loeb Classical Library).

Junge J. 1942, Orthokorybantioi, Pauly's Realencyclopädie der classischen Altertumswissenschaft, Stuttgart, 1484-1490.

Kent R. 1953, Old Persian. Grammar. Texts. Lexicon. 2nd ed., New Haven.

Malbran-Labat F. 1994, La version akkadienne de l'inscription trilingue de Darius à Behistun, Roma.

Marquart J. 1901, Ērānšahr nach der Geographie des Ps. Moses Xorenac'i, Berlin.

Sarre F., E. Herzfeld 1910, Iranische Felsreliefe, Berlin.

PRINCIPLE OF ADMINISTRATIVE DIVISION OF ACHAEMENID PERSIA

Khorikyan Hovhannes

(Institute of Oriental Studies NAS RA)

The enumeration sequence of the Satrapies in scholarly literature has always caused controversy. After the formation of the Satrapies in relatively peaceful regions of the Empire to the west of the Euphrates, the attention of the Persian court was already focused on those countries which had not adopted Darius' royal power and had rebelled against it.

The study shows that the enumeration sequence of the Satrapies is determined by their chronological formation order, which has taken place through five phases.